

## Grazas porque nos rodeas da teu amor

Xesús, acompañásnos no carreiro da vida, vas connosco, coidasnos e podemos descubrите rodeándonos co teu amor infinito.

Xesús, deixáchesnos os mandamentos como o camiño seguro para ser felices, respectando as regras de convivencia, queréndonos, axudándonos.

Vivir os mandamentos é amar a Deus con todo o corazón, coma el nos ama, alimentando a fe na eucaristía dominical, deixando que el guíe a nosa vida e confiando cando non nos sae todo ben.

Vivir os mandamentos é descubrir o teu rostro no próximo, é querelo, respectalo e axudalo, cando nos necesita.

Grazas, Xesús, porque nos queres e nos impulsas a amar.

Que o teu Espírito sexa o noso tesouro e nos axude a amarte, gardando os mandamentos.

Que sempre te descubramos vivo, ao noso lado, nas tarefas de cada día e sobre todo no rostro triste do que necesita de nós.

## CAMPAÑA DO ENFERMO 2017


Deus Pai, amigo da vida, que estás presente en todo o universo e na más pequena das túas criaturas, derrama en nós a forza do teu amor. Deus dos pobres, axúdanos a rescatar e coidar os abandonados e esquecidos desta terra que tanto valen aos teus ollos. Sanda as nosas vidas, para que sementemos fermosura e non contaminación e destrucción. Toca os nosos corazóns e ensínanos a descubrir o valor de cada persoa e de cada cousa, porque todos somos custodios da saúde dos nosos irmáns e da saúde do mundo. Amén.



Evanxeo

21-maio-2017

6º-Pascua-A



"O Espírito vive convosco  
e está en vós".

Jn. 14,15-21



O teu Espírito HABÍTANOS.  
Rodéame co seu amor para que ame.

# PASCUA 6º

**FEITOS 8, 5-8. 14-17:** Impoñíanlle as mans e recibían o Espírito Santo.

Naqueles días, Filipe baixou á cidade de Samaría e predicáballes a Cristo. O xentío unanimemente escoitaba con atención o que dicía Filipe, porque oíran falar dos signos que facía, e estaban vendidos: de moitos posuídos saían os espíritos inmundos lanzando gritos, e moitos paralíticos e eivados curábanse. A cidade encheuse de ledicia. Cando os apóstolos, que estaban en Xerusalén, se decataron de que Samaría recibira a palabra de Deus, enviaron a Pedro e a Xoán; eles baixaron ata alí e oraron por eles, para que recibisen o Espírito Santo; pois áinda non baixara sobre ningún; estaban só bautizados no nome do Señor Xesús. Entón impoñíanlle as mans e recibían o Espírito Santo. Palabra do Señor.

**SALMO 35:** Aclamade ao Señor, terra enteira.

**I PEDRO 3, 15-18:** Morto na carne pero vivificado no Espírito.

**XOÁN 14,15-21:** Pedireille ao Pai que vos dea outro Paráclito.

**Narrador:** Naquel tempo, díxolle Xesús aos seus discípulos:

**Xesús:** -«*Se me amades, gardaredes os meus mandamentos. E eu pedireille ao Pai que vos dea outro Paráclito, que estea sempre convosco, o Espírito da verdade. O mundo non pode recibilo, porque non o ve nin o coñece; vós, en cambio, coñecédelo, porque mora convosco e está en vós. Non vos deixarei orfos, volverei a vós. Deica pouco o mundo non me verá, pero vós veredesme e viviredes, porque eu sigo vivindo. Entón saberedes que eu estou no meu Pai, e vós en mim e eu en vós. O que acepta os meus mandamentos e os garda, ese ámame; e o que me ama será amado polo meu Pai, e eu tamén o amarei e manifestareime a el.*». Palabra do Señor.

(Narrador - Xesús).



O teu Espírito HABÍTANOS.

Rodéame co seu amor para que ame.

## 1. VER: Unha de piratas

- Pensade nun pirata co seu cofre onde garda o seu tesouro.

*Por que os piratas esconden o tesouro nunha illa deserta?*

*Se tiveses un cofre, cal sería o tesouro que agocharías dentro?*

## 2. XULGAR: O teu Espírito habítanos

- No evanxeo de hoxe, Xesús, antes de irse, déixanos o Espírito Santo para que “*esteña sempre convosco*”. Ademais “*mora convosco e está en vós*”. E engade que “*se me amades, gardaredes os meus mandamentos*”.

### QUE NOS QUERE DICIR?

1. -O mellor dos tesouros: hai un tesouro máis importante que todo o ouro, todo o diñeiro e os tesouros do mundo. É o Espírito de Deus que Xesús promete. Dinos a 1ª lectura (Feit) que os de Samaría recibiron o Espírito Santo cando Pedro e Xoán oraron sobre eles. O día do bautismo tamén nós recibimos o Espírito Santo. Valorámolo?

2.- Xesús, antes de subir ao ceo prométenos que non nos deixará solos, abandonados. O Espírito Santo será a nova presenza de Xesús entre nós. **Habita en nós**, vive no noso corazón e fai que nós esteamos sempre con Xesús.

3.- O Espírito é amor: o amor do Pai ao Fillo, do Fillo ao Pai, é o amor con que o Pai e o Fillo nos queren. Correspondamos a tanto amor amando, vivindo os mandamentos (o seu mandamento é amarnos)...

*É ou non o Espírito un marabilloso tesouro?*

## 3. ACTUAR: Déixate rodear por El e ama

- Busca algúns momentos do día para agradecer a presenza de Deus na túa vida, no que che pasa, sínteo querido rodeándote co seu amor. Reza así o “Polo sinal”...

- Procura descubrir a Cristo (o Invisible) no pobre que se te achega, no enfermo. Pensa a que persoas vas demostrarlle esta semana que os queres ou que te preocupas por eles.

- Facede un mural cos mandamentos ... E aprendédeos de memoria.

- Cada neno leva unha vela e ante o altar acéndenlas. Alguén dí: ofrecemos estas velas que representan o lume do Espírito que queremos recibir e o lume do noso amor que queremos repartir.

*Que imos facer?*